

**“ДЎСТЛИКДОН МАҲСУЛОТЛАРИ” АКЦИЯДОРЛИК ЖАМИЯТИ
АКЦИЯДОРЛАРНИНГ 2022 ЙИЛ ЯКУНИ БЎЙИЧА ЎТКАЗИЛГАН
АКЦИЯДОРЛАРНИНГ УМУМИЙ ЙИГИЛИШ 1-сонли
Баёни**

2023 йил 27 март соат-11.00

Дўстлик шахри.

Йиғилиш раиси:

кузатув кенгаши раиси: А.Қўчқаров

Иштирок этганлар: “Дўстликдон маҳсулотлари” акциядорлик жамияти акциядорлари ҳамда улар номидан келган вакиллар, жамият кузатув кенгаши ва бошқаруви аъзолари *(рўйхатга олиш қайдномаси бўйича)*

Жами овоз берувчи акциялар 968470 дона. Йиғилишда иштирок этаётган акциядорлар ва уларнинг вакилларига тегишли овоз берувчи акциялар сони 900410 дона. Йиғилиш кворуми 92.97фоиз.

К у н т а р т и б и д а г и м а с а л а л а р :

Кун тартибидаги биринчи масала юзасидан йиғилиш раиси А.Қўчқаров сўзга чиқиб, Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонунининг 66-моддасига мувофиқ, овозларни сонаб чиқиш, умумий йиғилишда иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилишида тасдиқланиши белгиланганлигини билдирди.

Шундан сўнг, йиғилиш раиси акциядорларнинг умумий йиғилиши кун тартибидаги биринчи масала, яъни умумий йиғилишни олиб бориш тартиби ва регламентини тасдиқлаш таклифини киритди. Йиғилишда маърузага чиқувчиларга 10 дақиқа, муҳокама учун 5 дақиқа, шунингдек, йиғилишни танафуссиз яқунлаш таклиф этилди ва очиқ овоз бериш орқали тасдиқлаб беришини сўради.

Шундан сўнг ушбу масала овозга қўйилди.

Овоз бериш натижалари қуйидагича бўлди:

Т.Р	Тарафдорлар	Қаршилар	Бетарафлар
1	900410 (100 фоиз)	йўқ	Йўқ

Санок комиссиясининг таркиби камида уч кишидан иборат бўлиши ҳамда бу таркибга жамият кузатув кенгашининг аъзолари, тафтиш комиссиясининг аъзолари (тафтишчиси), жамият бошқарув раиси, жамият бошқаруви аъзолари, ишончли бошқарувчи, шунингдек ана шу лавозимларга номзоди кўрсатилган шахслар кириши мумкин эмаслиги маълум қилинди. Кузатув кенгаши раиси

акциядорларнинг умумий йиғилиши кун тартибидаги иккинчи масала бўйича, акциядорлар томонидан тасдиқлаш учун қуйидаги таркибда саноқ комиссияси аъзоларини таклиф қилди ҳамда очик овоз бериш орқали тасдиқлаб беришларини сўради.

Т.Р	Фамилия исми шарифи	Лавозими
1	Номозбоев Ўктам Тоштемирович	Жамият бош иқтисодчи
2	Холназаров Сайидазим Валиханович	Жамият ҳисобчиси
3	Амиров Ботир Эгамкул ўғли	Жамият ҳазиначи

Шундан сўнг ушбу масала овозга қўйилди.

Овоз бериш натижалари қуйидагича бўлди:

Т.Р	Тарафдорлар	Қаршилар	Бетарафлар
2	900410 (100 фоиз)	йўқ	йўқ

Қуйдаги (кузатув кенгашида тасдиқланган ва олдиндан акциядорларга тарқатилган) кун тартиби ўқиб эшиттирилди:

- 1) Акциядорлар умумий йиғилиши регламентини тасдиқлаш;
- 2) Акциядорлар умумий йиғилиши саноқ комиссияси сони ва шахсий таркибини сайлаш тўғрисида;
- 3) Жамиятни 2022 йил молиявий фаолияти якунлари бўйича кузатув кенгаши ҳисоботини кўриб чиқиш ва тасдиқлаш ҳамда жамиятнинг 2023 йилга белгиланган устувор вазифалари тўғрисида;
- 4) 2022 йил молиявий фаолияти якуни бўйича жамият бошқарув раисининг ҳисоботи эшитиш;
- 5) Ўзбекистон Республикаси Президентининг 2019 йил 24 августдаги ПК-4426-сонли қарори талабларига мувофиқ жамиятининг 2022 йил якуни бўйича Жамиятда ишлаб чиқаришни маҳаллийлаштириш, саноатда кооперация алоқаларини кенгайтириш масалалари бўйича директорининг ҳисоботини эшитиш;
- 6) Корхонада харидлар жараёнининг шаффофлиги асослилиги, шу жумладан, маҳаллий маҳсулотларнинг сифат ва нарх бўйича белгиланган параметрларга мувофиқлигини ҳисобга олган ҳолда импорт харидларини, шунингдек валюта ресурсларидан самарали фойдаланилиши тўғрисида ташқи аудит хулосасини эшитиш;
- 7) Ўзбекистон Республикаси Президентининг 2019 йил 16 сентябрдаги 5723-сонли Фармонига мувофиқ жамиятлар томонидан тасдиқланган Низомга асосан кузатув кенгаши аъзолари, йиғилиш котиби ва тафтиш комиссияси аъзоларини моддий рағбатлантиришни келишиш ва жамиятнинг “Кузатув кенгаши, тафтиш комиссияси Низоми”да, ички норматив ҳужжатларига тегишли ўзгартиш ва қўшимчалар киритиш.
- 8) Ташқи аудитнинг 2022 йил якуни бўйича молия хўжалик фаолиятини текшириш хулосасини эшитиш;

9) Корпоратив бошқарув кодекси талабларига мувофиқ, Жамиятнинг 2022 йил якуни бўйича мустақил ташкилот томонидан ўтказилган корпоратив фаолиятни баҳолаш хулосаси билан танишиб, муносабат билдириш;

10) Жамиятнинг 2022 йил молиявий кўрсаткичлари якуний бўйича бош хисобчини ҳисоботида, бухгалтерия балансини, фойда ва зарарлари ҳисобварағини, соф фойда тақсмотини ва дивиденд учун ажратилган миқдори, унинг тақсмоти ҳамда тўлаш тартиби ва муддатларини белгилаш.

11) Жамиятни 2022 йил бизнес-режасини тасдиқлаш;

12) Жамиятни кузатув кенгаши ҳамда тафтиш комиссияси аъзоларини сайлаш;

13) Жамиятнинг 2023 йил якуни бўйича молия хўжалик фаолияти текшируви ва корпоратив бошқарув тизимини баҳолашни ўтказиш учун аудиторлик фирмасини танлаш ва унинг хизматига тўланадиган ҳақ миқдорини белгилаш;

14) Жамият бошқарув раиси билан меҳнат шартномаси муддатини узайтириш.

Шундан сўнг, йиғилиш раисига А.Х.Қўчқаров, котибига жамият Қимматли қоғозлар бўйича мутахасис Б.Нурқобилов номзодлари таклиф этилди.

Акциядорларнинг умумий йиғилиши раёсатига кузатув кенгаши раиси А.Қўчқаров, аъзолари бошқарув раиси Ш.Ғаффоров, жамиятда ишлаб чиқаришни маҳаллийлаштириш, саноатда кооперация алоқаларини кенгайтириш масалалари бўйича директори С.Н.Мамиров ва ички аудитор М.Шариповлар номзодлари таклиф этилди.

Йиғилиш раиси кун тартибидаги биринчи ва иккинчи масалалар акциядорлар томонидан очиқ овоз бериш орқали тасдиқлаб олинганлиги сабабли, кун тартибидаги учинчи масалани кўриб чиқиш таклифини киритди.

Кун тартибидаги учинчи масала жамият кузатув кенгашининг 2022 йил давомида олиб борилган ишлари бўйича ҳисоботини кузатув кенгаши раиси А.Қўчқаров ўқиб эшиттириб, йил давомида 15 маратоба Кузатув кенгашини йиғилиш ўтказилгани ҳақида ҳисобот берди.

Шундан сўнг ушбу масала овозга қўйилди.

Овоз бериш натижалари қуйидагича бўлди:

Т.Р	Тарафдорлар	Қаршилар	Бетарафлар
3	876810 (97,38 фоиз)	Йўқ	23600(2,62)

Кун тартибидаги **тўртинчи масала** юзасидан жамиятнинг бошқарув раиси Ш.Ғаффоров сўзга чиқиб, 2022 йил молиявий фаолияти якунлари бўйича жамиятида бажарилган ишлари тўғрисида батафсил маълумот бериб ўтди (ҳисобот илова қилинади).

Шундан сўнг ушбу масала овозга қўйилди.

Овоз бериш натижалари қуйидагича бўлди:

Т.Р	Тарафдорлар	Қаршилар	Бетарафлар
4	876810 (97,38 фоиз)	Йўқ	23600(2,62)

Бешинчи масала: Жамиятда ишлаб чиқаришни маҳаллийлаштириш, саноатда кооперация алоқаларини кенгайтириш бўйича директори С.Мамировнинг 2022 йил молиявий фаолияти якунлари бўйича ҳисоботини эшитишни таклиф этди. Йиғилиш иштирокчиларига ҳисобот берилди ва муҳокама қилинган ҳисоботни овозга қўйиш таклифини берди: (ҳисобот илова қилинади).

Шундан сўнг ушбу масала овозга қўйилди.

Овоз бериш натижалари қуйидагича бўлди:

Т.Р	Тарафдорлар	Қаршилар	Бетарафлар
5	876810 (97,38 фоиз)	йўқ	23600(2,62)

Олтинчи масала бўйича: йиғилиш раиси А.Қўчқаров жамиятининг харидлар жараёнидаги шаффофлиги асослилиги, шу жумладан, маҳаллий маҳсулотларнинг сифат ва нарх бўйича белгиланган параметрларга мувофиқлигини ҳисобга олган ҳолда импорт харидларини, шунингдек валюта ресурсларидан самарали фойдаланилиши тўғрисида ташқи аудит “MASLAXATAUDIT-M” МЧЖдан берилган хулосани йиғилиш иштирокчилари муҳокомасига ҳавола этди.

Йиғилиш иштирокчиларига баён қилинган аудиторлик ташкилоти хулосаси муҳокамадан сўнг овозга қўйиш таклифини берди:

Шундан сўнг ушбу масала овозга қўйилди.

Овоз бериш натижалари қуйидагича бўлди:

Т.Р	Тарафдорлар	Қаршилар	Бетарафлар
6	876810 (97,38 фоиз)	Йўқ	23600(2,62)

Еттинчи масала бўйича: жамиятининг “Кузатув кенгаш аъзолари, йиғилиш котиби ва тафтиш комиссияси аъзоларини мукофотлашни аудиторлик ташкилотининг берган хулосасига ҳамда моддий рағбатлантириш тўғрисида”ги Низомнинг 14-16-бандига асосан моддий рағбатлантиришни амалга ошириш ва жамиятнинг “Кузатув кенгаши, тафтиш комиссияси Низоми”да, ички норматив ҳужжатларига тегишли ўзгартиш ва қўшимчаларни киритиш таклифи билдирилди.

Шундан сўнг ушбу масала овозга қўйилди.

Овоз бериш натижалари қуйидагича бўлди:

Т.Р	Тарафдорлар	Қаршилар	Бетарафлар
7	900410 (100 фоиз)	Йўқ	Йўқ

Саккизинчи масала бўйича: Жамиятнинг 2022 йил якуни бўйича «MASLAXATAUDIT-M» МЧЖ ташқи аудитори текширишдан ўтказган хулосаси билан йиғилиш иштирокчиларини таништириб ўтди (хулоса илова этилади).

Ўзбекистон Республикаси Президентининг 2015 йил 24 апрелдаги “Акциядорлик жамиятларида замонавий корпоратив бошқарув услубларини жорий этиш чора-тадбирлари тўғрисида”ги 4720-сонли Фармонида асосан, барча акциядорлик жамиятлари йиллик молиявий ҳисоботни нашр этиши ва халқаро аудит стандартлари ҳамда халқаро молиявий ҳисобот стандартларига мувофиқ ташқи аудитни ўтказиши белгиланган.

Муҳокамадан ва фикр мулоҳозалардан сўнг, йиғилиш раиси кун тартибидаги овозга қўйиш таклифини берди:

Шундан сўнг ушбу масала овозга қўйилди.

Овоз бериш натижалари қуйидагича бўлди:

Т.Р	Тарафдорлар	Қаршилар	Бетарафлар
8	876810 (97,38 фоиз)	Йўқ	23600(2,62)

Тўққинчи масала бўйича: Жамиятни 2022 йил молиявий фаолияти якуни бўйича корпоратив бошқарув тизимини баҳолашдан ўтказиш ва амалга ошириш учун мустақил ташкилот аудиторлик текширувидан ўтказган “GULISTON BROK DEPO” МЧЖ хулосасига асосан қониқарли деб топилган.

Шундан сўнг ушбу масала овозга қўйилди.

Овоз бериш натижалари қуйидагича бўлди:

Т.Р	Тарафдорлар	Қаршилар	Бетарафлар
9	876810 (97,38 фоиз)	Йўқ	23600(2,62)

Ўнинчи масала бўйича: Жамиятнинг 2022 йил молиявий кўрсаткичлари якунида бош ҳисобчи ҳисоботи, бухгалтерия баланси, фойда ва зарарлари ҳисоб-варағини, соф фойда дивиденд учун ажратилган миқдори, унинг тақсимооти ҳамда тўлаш тартиби ва муддатларини белгилаш. (ҳисобот илова қилинади)

Шу билан бирга, жамиятнинг ўз маблағлари ва акциядорлик жамияти мажбуриятлари унинг актив манбаи бўлиб, уларнинг ҳисоб рақамларида акс эттирилиши бухгалтерия ҳисоби тамойилларига мос келиши, баланснинг халқаро талабларга мос ҳолда юритилиши якуний молиявий натижаларнинг тўғри аниқланишига асос бўлиши, ўтказилган таҳлил ва текширувлар натижасида жамият бухгалтерия балансининг ошқоралиги таъминланганлиги ҳисобот даврининг соф фойдаси **23 634 969** минг сўм (йигирма уч миллиард олти юз ўттиз тўрт миллион тўққиз юз олти миш тўққиз) минг сўмни ташкил қилади мазкур ҳолатни жамиятнинг 2022 йил молиявий натижаларини текширувидан ўтказган “MASLAXATAUDIT-M” МЧЖ аудит ташкилоти хулосаларида ҳам ёритилганлиги маълум қилинди. (ҳисобот илова қилинади).

Шундан сўнг ушбу масала овозга қўйилди.

Овоз бериш натижалари қуйидагича бўлди:

Т.Р	Тарафдорлар	Қаршилар	Бетарафлар
10	900410(100 фоиз)	Йўқ	Йўқ

Ўн биринчи масала бўйича жамият бош иқтисодчиси Ў.Номозбоев 2023 йилга мўлжалланган бизнес режа лойҳаси бўйича маъруза қилиб, бюллетенда овоз беришни сўради.

Шундан сўнг ушбу масала ҳам овозга қўйилди.

Овоз бериш натижалари қуйидагича бўлди:

Т.Р	Тарафдорлар	Қаршилар	Бетарафлар
11	900386 (99.99 фоиз)	24(0,003)	Йўқ

Ўн иккинчи масалалар бўйича йиғилиш раиси, умумий йиғилиш муҳокамасига Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуннинг 63-моддасига мувофиқ, жамият овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) жамиятнинг молия йили тугаганидан кейин ўттиз кундан кечиктирмай, агар жамият уставида бундан кечроқ муддат белгиланмаган бўлса, акциядорларнинг йиллик умумий йиғилиши кун тартибига масалалар киритишга ҳамда жамият кузатув кенгаши ва тафтиш комиссияси (тафтишчилиги)га бу органнинг таркибидан ошмайдиган миқдорда номзодлар кўрсатишга ҳақлилигини билдирди.

Қонунда белгиланган муддатда кузатув кенгаши аъзолигига номзодлар таклифи берилган бўлиб, ушбу номзодлар қуйидаги тартибда овозга қўйилди:

Т.Р	Фамилия, исми ва шарифи	Лавозими	Тарафдорлар	Қаршилар	Бетарафлар
1	Қўчқаров Абдусамат Хазратович	«Ўздонмахсулот»АК ишлар бошқарма бошлиғи.	900410	йўқ	йўқ
2	Исломов Шухрат Қодирович	«Ўздонмахсулот»АК инвестиция ва янги технологиялар жорий этиш бошқармаси бош технологи	900410	йўқ	йўқ
3	Арипов Жаҳонгир Алимович	«Ўздонмахсулот»АК назорат бўйича бош инспектор	900410	йўқ	йўқ
4	Турдиев Зиёвиддин Бахтиёрович	«Ўздонмахсулот»АК юридик хизмат бўлими бошлиғи	900410	йўқ	йўқ
5	Жўракулов Жавлон Абдурахмонович	«Ўздонмахсулот»АК дон ресурслари ва уларни ташишни ташкил этиш бошқармаси етакчи мутахассиси	900410	йўқ	йўқ

Қонунда белгиланган муддатда тафтиш комиссияси аъзоларини номзодлар таклифи берилган бўлиб, ушбу номзодлар қуйидаги тартибда овозга қўйилди:

Т.Р	Фамилия, исми ва шарифи	Лавозими	Тарафдорлар	Қаршилар	Бетарафлар
1	Хўжакулов Дилшод Абдусаттарович	"Зарбдор элеватори" АЖ молиявий масалалар бўйича раис ўринбосари	900410	йўқ	йўқ
2	Кудратов Хасан Турдибекович	"Зарбдор элеватори" АЖ бош иқтисодчи	900410	йўқ	йўқ
3	Абдиев Наврўзбек Тохир ўғли	"Зарбдор элеватори" АЖ Ижро назорати инспектори	900410	йўқ	йўқ

Ўн учинчи масала бўйича 2023 йил молия хўжалик фаолиятини текширувидан ўтказиш ва корпоратив бошқарув тизимни баҳолаш масаласида мустақил аудиторлик жамиятлари танлаш белгиланган. Ушбу масала бўйича кузатув кенгаши аъзолари томонидан "AUDIT-HISOB MARKAZI" МЧЖнинг хизматидан фойдаланиш маъқулланиб, (15,0 млн.) сўм миқдорида хизмат ҳақи тўлаш ва корпоратив бошқарув тизимни баҳолаш учун «Guliston Brok Depo» МЧЖ (3,5 млн.) сўм миқдорида хизмат ҳақи тўлаш белгиланди, кўриб чиқиб овоз беришни сўради.

Шундан сўнг ушбу масала ҳам овозга қўйилди.

Овоз бериш натижалари қуйидагича бўлди:

Т.Р	Тарафдорлар	Қаршилар	Бетарафлар
13	900386 (99.99 фоиз)	24(0.003)	Йўқ

Ўн тўртинчи масала бўйича: йиғилиш раиси А.Қўчқаров, Ўзбекистон Республикаси Президентининг 2015 йил 24 апрелдаги ПФ-4720-сон "Акциядорлик жамиятларида замонавий корпоратив бошқарув услубларини жорий этиш чоратадбирлари тўғрисида"ги Фармониға мувофиқ, акциядорлик жамияти ижро орган раҳбарини тайинлаш тўғрисидаги қарорда хорижий менежерлар ҳам иштирок этиши мумкин бўлган танлов асосида қабул қилиниши белгиланганлигини айтиб ўтди.

Ўзбекистон Республикасининг амалдаги қонунчилигига мувофиқ акциядорлик жамиятларининг бошқарув раиси ўз лавозимига бир йил муддатга ёлланиши ва у билан шу муддатга меҳнат шартномаси имзоланиши мумкинлиги тўғрисида тўхталиб, жамият бошқарув раиси Ғаффоров Шабид Мирзаевич билан меҳнат шартномасини бир йилга яъни, акциядорларнинг навбатдаги умумий йиғилишига қадар узайтириш таклифини берди.

Кун тартибидаги масала юзасидан йиғилиш иштирокчилари фикр, муносабат билдиришларини сўради ва муҳокамалардан сўнг овозга қўйиш таклифини берди:

Шундан сўнг ушбу масала ҳам овозга қўйилди.

Овоз бериш натижалари қуйидагича бўлди:

Т.Р	Тарафдорлар	Қаршилар	Бетарафлар
14	900386 (99.99 фоиз)	24(0.003)	Йўқ

Кун тартибидаги масала юзасидан йиғилиши

Қ А Р О Р Қ И Л А Д И:

1) Акциядорлар умумий йиғилишини олиб бориш тартиби ва регламенти тасдиқлансин.

2) Акциядорлар томонидан кўриб чиқилиб тавсия этилган бугунги умумий йиғилиши саноқ комиссияси сони ва шахсий таркиби тасдиқлансин.

3) Жамиятининг 2022 йил молиявий фаолияти якунлари бўйича кузатув кенгаши ҳисоботи тасдиқлансин ҳамда жамиятнинг 2023 йилга белгиланган устувор вазифалари белгилаб қўйилсин.

4) Жамият бошқарув раисининг 2022 йилда олиб борилган ишлари қониқарли деб топилсин ва фаолияти якунлари бўйича ҳисоботи тасдиқлансин.

5) Ўзбекистон Республикаси Президентининг 2019 йил 24 августдаги ПК-4426-сонли қарори талабларига мувофиқ 2022 йил якуни бўйича жамиятда ишлаб чиқаришни маҳаллийлаштириш, саноатда кооперация алоқаларини кенгайтириш масалалари бўйича директорининг эшитилган ҳисоботи маъқуллансин.

6) Корхоналарда харидлар жараёнининг шаффофлиги асослилиги, шу жумладан, маҳаллий маҳсулотларнинг сифат ва нарх бўйича белгиланган параметрларга мувофиқлигини ҳисобга олган ҳолда импорт харидларини, шунингдек валюта ресурсларидан самарали фойдаланилиши тўғрисида “MASLAXATAUDIT-M” МЧЖдан берилган хулосаси маълумот учун қабул қилинсин.

7) Жамиятнинг “Кузатув кенгаши аъзолари ва Тафтиш комиссияси аъзоларини моддий рағбатлантириш тўғрисида”ги Низомнинг 14-бандига асосан Кузатув кенгаши аъзоларига, Низомнинг 16-бандига асосан йиғилиш котиби ва Тафтиш комиссияси аъзоларини моддий рағбатлантирилсин ҳамда жамиятнинг “Кузатув кенгаши, тафтиш комиссияси Низоми”да, ички норматив ҳужжатлари ўзгартиб тасдиқланган яни белгиланган Кузатув кенгаши раисига БХМни 11-баробаридан 6-баробарга, аъзолари 10-баробаридан 5-баробарга камайтирилсин, камайтирилган суммада 2023 йил 1 апрелдан ҳисоблансин.

8) Ташқи аудитнинг 2022 йил якуни бўйича молия хўжалик фаолиятини текшириш хулосаси маълумот учун қабул қилинсин.

9) Корпоратив бошқарув кодекси талабларига мувофиқ, жамиятда 2022 йил якуни бўйича мустақил ташкилот томонидан ўтказилган корпоратив фаолиятни баҳолаш юзасидан берилган хулосаси маълумот учун қабул қилинсин.

10) Жамиятни 2022 йил молия хўжалик фаолияти якуни бўйича бухгалтерия балансида **23 634 969** минг сўм соф фойдага чиққан, ундан 2017 йилда келтирилган зарарни қопланмаган қисми **13 851 305** минг сўм тўлиқ қопланиб, қолган **9 783 664**

минг сўмдан имтиёзли акция учун дивидендга 476 минг сўм, жамиятда ишлаб чиқаришни ривожлантиришга 40 фоиз 3 913 466 минг сўм, жамиятни модеренизация фондига 5 фоиз 489 183 минг сўм, Меҳнатни муҳофаза қилиш фонди 5 фоиз 489 183 минг сўм, қолган 50 фоизи 4 891 832 минг сўм микдорини оддий акцияга дивиденд учун йўналтириш белгиланган оддий акция номинал қиймати 1000 сўм бўлиб ҳар бир акция учун 5050.60 сўмда, акциядорларга дивиденд тўлов муддати 2023 йил 6 апрелдан 5 июнга қадар тўлансин.

11) Жамиятнинг 2023 йилга мўлжалланган бизнес режа лойҳаси тасдиқлансин.

12) Жамиятини кузатув кенгаши аъзолари А.Қўчқаров, Ш.Исломов, Ж.Арипов, З.Турдиев, Ж.Жўрақуловлар ва тафтишчилар Д.Хўжақулов, Х.Қудратов ва Н.Абдиевлар таркиби тасдиқлансин.;

-жамият тафтишчилари Д.Хўжақулов, Х.Қудратов ва Н.Абдиевлар ўз фаолиятини Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуннинг 107-моддаси ва “Тафтиш комиссияси тўғрисида”ги низом талаблари асосида амалга ошириш ҳамда ҳар чоракда ва йил якуни бўйича акциядорлар умумий йиғилишида ҳисобот берилсин.

13) Жамиятининг 2023 йил молиявий фаолияти якуни бўйича “AUDIT-HISOB MARKAZI” МЧЖ хизматидан фойдаланиш маъқулланиб, (15,0 млн. сўм) микдорида хизмат ҳақи тўлаш ва Корпоратив бошқарув тизимни баҳолаш учун “Guliston Brok Depo” МЧЖ (3,5 млн. сўм) микдорида хизмат ҳақи тўлаш тасдиқлансин.

14) Жамият бошқарув раиси Ғаффоров Шабит Мирзаевич билан меҳнат шартнома муддати узайтирилсин.

Йиғилиш раиси:



А.Қўчқаров

Йиғилиш котиби:



Б.Нурқобилов

Баённома 2023 йил 06 апрел куни икки нусхада расмийлаштири